

**Sel Prestuhn  
Henry B. Eyring**  
Mwet in Kahsruh Se  
Met ke Prestuhnsi Se Met



# Sucu an ac Pruhe

**I**n pacl se, ke nga pihtucki infahron pahpah tuhmuhk uh ke fong uh, el sruhmuhn ke el srihkyak ah. El fahk ke luhngse luhn pahpah ninac kiyacl in pacl upac ac ke luhngse luhn Pahpah tuhmal Inkuhsrao ac Mwet Lahngo. Nga etuh lah el fahfahlac in misac ke cancer, na oruh tiac sasuc sihk ke pacl el fohsack ke puhla lal nuh sin Pahpah Lucng nuh ke luhngse ac kuhlwcacng luhn pahpah na tuhmwacl fin facluh. Pahpah tuhmuhk el kwacna fahk lah ke el pruhe, el pahngon muh el kuh in liye in nuhnak lal isrwacsr srihsrihk luhn Pahpah Lucng.

Pahpah ninac kiyacl ah elos lotwel ke srihkasrak in pruhe oacna fin el sramsram na nuh sin God ac tuh God El fah tohpohkohl ke luhngse. El enenuh srihkasrak sacn nuh ke sahflah. Ke waek uh tuhkuh upaclac, kuht soko-lwack ke lututacng uh sikuck muhtuhnte sissen mwe oan kiyacl ah. El muhnahtlah na upac elan fohlohklac ona. El fahk nuh sesr lah el pruhe in siyuck sin Pahpah Lucng lah mac sis el kweoklacna ke el arlac srihke na in wo uh. El fahk lah sie top kuhlwcacng tuhkuh: “God El enenuh wen puhlaik.”

Na el motlacni na ne ke sahflah, luhlhlafongi lah God El luhngse na el, lohnguhl, ac tuhfah srakluhlwack. El in-sewowo in sa etuh ac in tiac muhkuhnlah lah God luhng kuhlwcacng El fototo oacna sie pruhe.

Pa sis Leum El luti pahpah ninac uh, Ac elos fah luti pac tuhlihk nahtuhlos in pruhe, ac in fahsr suwohswohs ye muhtuhn God (liye D&C 68:28).

Wosacus luhn Jisus Kraist uh tuh fohlohkihnyuckyak—wi Puk luhn Mormon ac kwewa ki ke pristut ma kuh in kapsrwacni sucu—mweyen Joseph Smith ke el srihk el pruhe ke luhlhlafongi. El eis luhlhlafongi sacn ke sucu luhng kuhlwcacng ac luhlhlafongi se.

Yac longoul somlah ah Leum El acse nuh sin sucu uh pwenyuck se inge “Sucu: Sie Mwe Fahkwack nuh fin Fac-luh” sin Prestuhnsi Se Met ac U luhn Mwet Sap Singucul Luo lah “Pahyuck ac sucu wowo uh oreklac ac fahsrkihn ip yohk ke luhlhlafongi, pruhe, auliyak, nuhnak muhnaht, ahkfuhlwactye, luhngse, pahkomuhta, orekma, ac kain in mukwikwi wo sahyac pac.”<sup>1</sup>

Kuht misac luhlhlaf in kuloh nuh sin sucu lal Joseph Smith Mwet Pahluh ke tohflah lal. Sucu lal ah oraclah srihkasrak tiac nuh ke luhlhlafongi ac pruhe muhkwenah tuhsruhki wi pac auliyak, nuhnak muhnaht, ahkfuhlwactye, luhngse, pahkomuhta, orekma, ac kain in mukwikwi wo sahyac pac.

Fihl ma tuhkuh tukum an e pahngon kom in-sewowo ke srihkasrak wowo ke pruhe lowos in sucu an. Sahp kowos tiac tuhfahlah sie mwet kuhlwcacnsap wowo luhn God, tuhsruhki kowos kuh ke pruhe lowos ac srihkasrak ke luhlhlafongi lowos kahsruh Leum Jisus Kraist tuhfahlah mwet tuhma lutlut luhng kuhlwcacng.

Ke ma nuh kwewa ma kom kuh in sule kac in kahsruh Leum, pruhe uh wihnna pa emet kac uh. Oasr na mwet oacyac suc arlac kahlwem, lah ke elos pruhe, moklweack

mwet sahyac in ikacslah muhtahlos in liye lah suc oasr uh. Kowos kuhna in oraclah luhman kain mwet inge.

Motko lah meac ma ingacn kalmac nuh selos suc sikuck muhtuhnte wi kowos ke pruhe luhn sucu. Ke elos puhlakihn lah kowos sramsram nuh sin God ke luhlahl-fongi, luhlahlfongi lalos fah fokokoi pac in sramsram nuh sin God. Ke kowos pruhe in sang kuloh nuh sin God ke mwe in sewowo elos etuh ma tuhkuh, luhlahlfongi lalos e kapwack tuh lah God El luhngse elos ac tuh El topuk pruhe lowos ac tuhfah tohpohkohlos. Ma ingacn kuh in sikyak ke pruhe luhn sucu ke na kowos wi puhlakihn tari ke pruhe lowos sifacna, pacl tukun pacl.

Nga srwackna in sewowokihn pahpah se ac ninac se suc sramsram nuh sin God. Mwe srihkasrak lalos ke kuh luhn pruhe in mahsrlon sucu uh srwackna ahkinsewowoye fihl suc tuhkuh tohkohlos uh.

Tuhlihk nuhtihk uh ac nuhtin nuhtihk uh in sewowokihn penga na lwen ke mwe srihkasrak luhn pahpah ninac kiyuck ah. Luhlahlfongi se ma sie God luhngse El lohng ac topuk pruhe uh som nuh yohrohlos. Kowos kuh in sram-tweack kain mwe usruy inge in sucu lowos an. Nga pruhe tuh kowos fah oruh.

#### **MWE KAHSRUH**

1. "Sucu: Sie Mwe Fahkwack nuh fin Facluh," *Liahona*, Nohfuhmpuh 2010, 129.

#### **AHKFUHLWACTYE ANNIVERSARY AHK LONGOUL KE MWE FAHKWACK LUHN SUCU.**

"Sucu: Sie Mwe Fahkwack nuh fin Facluh" luti ke mwe luti suc ma fal na nuh in pacl lasr uh oacna in pacl se emet ke Septempuh 23, 1995 ah. Nuhnkuh in suli mwet kuh sucu kowos luti an in wi ahkfuhlwactye ke mwe fahkwack ke Anniversary ahk 20 ke:

1. Tahkihn mwe luti oan kac suc ma oasr srihpac na wowo nuh selos kac an. (Liye luhman oreyac sel Prestuhn Eyring wi pruhe ke pweng se lucng inge.)
2. Lohngohki lah kais sie mwe luti inge e ahkinsewowoye mou lalos fuhkah mihsenge ac ke pacl fahsruh uh.
3. In oaki finsrak kuh kac an in sang srilucng mwe luti an nuh in mou lalos ac in akacsruhi ma ingacn yurin mwet sahyac uh.

## **MWET FUHSR**

### **Ahkorekmaye in Pruhe**

**P**resident Eyring el luti lah sucu lowos uh kuh in in sewowokihn kuhpahsr kuh lowos yurin Pahpah Lucng. Kowos kuh in ahkwoye sie sin sie lowos nuh Sel ke ahkkweyeyacn pruhe lowos an! Pa inge kuhtuh nuhnak ke ohiyac in oruh ohinge:

Met liki kowos ahkwot ke pruhe lowos an, eis pacl lowos in nuhnkuh ke ma kowos ke fahk uh. Motko siyuck ma sahp oasr suwos kuh ma srihpucpuclye kowos uh—kowos kuh in suhmuhslah pacna tuh kowos in tiacna muhkuhlah. Orekmakihn pacl se pac inge in ahkmwesahsye nuhnak lowos an ke mwe fohs luhn lwen uh tuh kom in kuh in porongo mukwikwi luhn Nguhn Muhtahl. Fin nuhnkows kwac tahkuhsrkuhsr ke puhlan pacl kowos pruhe, srihke in luhmahlah muh Pahpah Lucng El porongo. Sramsram in ip srihsrihkiyac. Oacyacpac, eslah kuhtuhsrihk pacl an ke kapihn pruhe an in lohng ke kolyuck luhn Nguhn. Kom e kuhna in suhmuhslah nuhnak lowos an ke journal nuhtuwos an.

Esam lah pruhe uh el sie kain in orekma, oruh tiacna arlac elyah fin ma ac enenuh ahkpah kuh fin luhman upac! Motlacni in pruhe lowos uh kuhna in kahsruh oacyac sie sin sie nuh sin God ma e ahkinsewowo fihl an.

## **TUHLIHK SRIHSRIHK**

### **Sie Pruhe in Ahkacsmakihnye**

**P**restuhn Eyring el luti lah yohk srihpac in pruhe wi sucu lowos an. Kowos kuh in ekihn srihkasrak se nuh sin sucu lowos in pruhe penga na lwen. Kowos kuh pac in ahkacsmakihnye sucu lowos an in toeni pruhe pengana lwen. Esam pohloh kaks se inge ke sie pacna sramsram sel Prestuhn Eyring: "Pahpah Lucng El lohng pruhe lowos an. El luhngse kowos. El etuh inewos" ("Tuhtahfma luhn Fwackyuck," *Liahona*, Nohfuhmpuh 2014, 73), Suhmuhslah pohloh kaks se inge fin sie card kuh ipin pwepuh ac fihliyac yen sucu lowos an kwewa tuh fah liye. Ke ohiyac inge kowos kuh in esam na lah Pahpah Lucng El kena in lohng suwos!



# Kuh Lucng me luhn Jisus Kraist: Kuhlwacna ac Sesseslah ke Wolacna

*Pruhe na in lutlukihn kuhfa inge ac suk in etuh ma in akacsruhi kac. Etuh ohiyac muhtahl luhn Mwet Lahngo ac ahkyohkye kuh in luhlalhfongi lowos Kacl ac ahkinsewowoye fuhkah mwet kowos liyacacng ke forfor luti uh? Nuh ke kuhtuh pac ma in etuh, som nuh ke reliefsociety.lds.org.*

Luhlalhfongi, Sucu, Kahsruh

*Pa inge kuhtuh ip ke Pweng sin Mwet Forfor Luti an ke ohiyac luhn Mwet Lahngo.*

**M**a suhmuhslah uh luti kuht lah Jisus Kraist El eis kuh nuh kwewa, kwewa na kuhsrao ac fin facluh, ac wolacna luhn Pahpah oan yohrohl (liye D&C 93:17). Elder M. Russell Ballard ke U luhn Mwet Sap Singucul Luo el fahk lah ke kuh se inge mwet Lahngo lasr El oraclah kuhsrao ac facluh, oraclah ma usrnguck uh, ac muhtwacnglah mwe waek ke Gethsemene ac Calvary.<sup>1</sup> Ke kuht kahlwem kac uh, luhlalhfongi lasr ke Kraist fah yohkwaclihk, ac kuht ac fah fokokoi.

Ke kuht orwaclah ac liyacacng wuhlwelah ke tempuhl uh, Leum El ac ahkinsewowoye kuht ke kuh Lal. Linda K. Burton, prestuhn luhlalhp luhn Rilif Sosaiti, el fahk: “Liyacacng wuhlwelah uh ahkkweye, sang kuh, ac karihngihn. . . . Nga tuh tuh-fahna ohsun sin kawuck na sacohk sasuc se. El fahkwack muh tukun el eis wuhlweacng in tempuhl lal, el

puhlakihn lah el kuhi in lain mwe sruhf uh.”<sup>2</sup>

Nephi el fahkwack luhlalhfongi ke kuh luhn wuhlwelah uh: “Nga, Nephi, liye kuh luhn Lahm nuhtin God, puhtati . . . nuh fin mwet wuhlweacng luhn Leum, . . . ac elos nuklac ke suwoswohs ac ke kuh luhn God ke wolacna yohk.” (1 Nephi 14:14).

## **Ma Suhmuhsalah Sifil Weacng**

Jeremaia 51:15; Fwackyuck 1:6; Jacob 4:6–7; Mosiah 3:17

## **Ke Ma Suhmuhsalah uh**

Ke pahkotwen luhlalhp Lal nuh sel Martha ac Mary, Jisus Kraist El taksuhlweack Lazarus ma wiyactahl uh liki misac ke kuh luhn God suc ma oan in El.

Jisus El tuhkuh sun iwacel Martha ac Mary lwen ahkosr tukun Lazarus el misac oan tari in kuclyuck uh. Elos som nuh ke kuclyuck lal Lazarus uh, ac Jisus El sapkihn tuh in itucklac yot se afihn iwyak

uh. Jisus El fahk nuh sel Martha, “Mea, nga tia fahk nu sum tari lah kom fin lulalfongi kom ac liye wolana lun God?” Na El pruhelac nuh sin God Pahpah ac “el pang ke pusra lulap, ‘Lazarus, ilme’

“Na el ilme. Paol ac nial srakna pihpla ke nuknuk in misa.” (Liye John 11:1–45.) Mwet Lahngo El orekmakihn kuh Lal in ahknwacsnwacsye ac ahkkweye kuht. Luhlalhfongi lasr in El fah yohkwaclihk ke kuht esam lah El sesseslah ke kuh ac wolacna.

## **MWE KAHSRUH**

1. Liye M. Russell Ballard, “Pa Inge Orekma Luhk ac Mwe Insewowo Luhk Uh,” *Liahona*, Mei 2013, 18.
2. Linda K. Burton, “Kuh se, Engan, ac Luhngse in Liyacacng Olwelah,” *Liahona*, Nov. 2013, 111.

## **Nuhkuh Ma Inge**

Kuh luhn God ac loangwe kuht fuhkah ke kuh ac wolacna?